

آبونه شرائطی

ممالك عثمانیه ده سنه لکی (۶۵)، آلتی
آیلفی (۳۵) غروشدر.
ممالك اجنیه ده سنه لکی (۸۰)، آلتی
آیلفی (۴۵) غروشدر.

اداره خانه

باب عالی جاده سننده دائرة مخصوصه

اخطارات

آبونه بدلی پشیندر.

مسلكه موافق آثار مع المومنه قبول
اولنور . درج ابدله یں یازیلر اعاده
اولونماز .



اخطارات

رساله مزدن آلتدیغی کوسترلك
شرطيله بتون یازیلر هرمانکی بر
غزته طرفندن اقتباس اولونه بیلیر.

مکتوبلرله، امثالری واضح و
اوقوناقلر اولسی و ابونه صره
نومروسی محتوی بولنسی لازمدر
ممالك اجنیه ایچون آبونه اولانلرک
آدرس لرینک فرانسه ده یازلسی
رجا اولنور.

باره کوندرلادیکی زمان نهیه دائر
اولدیغنک واضعاً بیلدی رلسی رجا
اولنور.

دینی ، فلسفی ، علمی ، ادبی هفتعلق مجموعه اسلامیه در

صاحب و مدیر مسئول

باش محرر

اشرف الایب

محمد شا کف

اتبعون اهدکم سبیل الرشاد

والله یهدی من یشاء الی صراط مستقیم

تماماً و کاملاً غائب ایتک دیمکدر . بوندن تولد ایده بیلجک نتایج ایسه وارسته شرح و ایضاحدر .

آفریقا اسلامیری و فرانسیزک امریکسی . — آتته غزتهلرینک استخباراتنه نظراً فرانسیز محافل سیاسیه و عسکریه سی ، شمالی آفریقا ده اهالی اسلامیه نك فرانسیز حاکمیتنه کارشومشهود اولمغه باشلاپان هدم خشنودیه سی یوزندن اندیشه ایچنده درلر . (تان) غزته سی دخی ، شمالی آفریقا اسلاملرینک وضعیت اخیرهنی موضوع بحث ایده رک فرانسیزک جزائر ، تونس و فاسده کی آتیه سی اندیشه بخش بر لسانله تصویر ایدیور . دیگر بعض غزته لر دخی فرانسه ایچون برتهلکه تشکیل ایتکه باشلایان شمالی آفریقا مسئله سیله اشتغاله باشلامشدر .

ناقصی زکوره . — نویورق دن تائیس غزته سنه یازیلور : « حریدن دولای ضایع اولان نفوسک تلافیسی مقصدیله اجتماعیون ، متفکرین و رجال حکومتدن متشکل برهیئتک پروسیا مجلس اعیاننده اجتماع ایتسی بوراده (نویورقده) بویوک بر اهمیتله تلقی اولونمقده در . بوجلسده آلمان ارککلرینک تزیادینی تأمیننه عائد بر لامحه ترتیب ایدلمشدر . مذاکرات اثناسنده : معین اولان سن ازدواجک لغوی ، ازدواجه مقتدر اولامیانلره هر درلو معاونت ، بیوک عائله لر تشویق ، بکارلره ، اولمین قیزلره ، هیچ جوجوقسنر ویا ایکی جوجوقله اکتفا ایدن عائله لره آغیر صورتده ویرکو طرحی ، هر فردده افراد ملتی تکثیر ایتنه نك بروطفیه وطنیه اولدیفنی کایسا و مکتبلر واسطه سیله تلقین وسائر کبی بر طاقم مطالعه لر بیان اولونمشدر .

آمریقا « طبی اجتماعیات » جمعیتی رئیس دوقتور « روبنسون » محاربه دن مقدم آلمان قادینلرینک نفوسجه ارککلردن اوچ ملیون زیاده اولدیفنی و محاربه دن دولای بونستسنر لکک تزیادینی یک طبیعی کوره رک یاقینده تعدد زوجاتک آلمانیاچه قبول ایدیلجکنی تخمین ایدیور .

اثر منتشره :

ایچکی بلیه سی

و

نور تولانک چاره لر

عنوانیله دوقتور میلاسی اسماعیل حقیک قاردمشز طرفندن یازیلوب مدافعه ملیه جمعیتی معرفتیله باصیلان آری او قودوق . یک فاضل ، ماتی و وطنی ایچون یک خیر خواه اولان محرم محترمه عن صمیم القلب تشکرلر ایدرز . صنعتده جدأ حاذق ، مملکتیمزک احواله تمامیه واقف اولان معزز دوقتوریمزک بواثرینی سوکیلی قارئلریمزه توصیه الک متحتم بر وظیفه مزدر . هر کسک او قویوب هر کسک آکلاماسی ایچون یازیلش اولان بو کتابی قمار وفحش بلیه لرینده عینی لسان ایله تشریح ایده جک دیگر ایکی اثرک ده تعقیب ایتسی یک لازمدر . امید ایدرزک اسماعیل حقیک قاردمشز بولزومی بزدن تحسوق اول ادراک ایتش ؛ حتی اثرینک اساسلرینی بیله حاضر لامشدر . جناب حق مساعیسی مشکور ایتسین .

اشرف ارباب

نجم استقبال مطبوعه سی

ایده بیلیر . صلح زماننده و هر شیتک بولانی ایچنده ناصل حرکت ایدیلسه جائزدر . فقط حوایج ضرورته نك فیتاتی آله بیلدیکنه تزیید ایتک ، الک اوافق شبهه محل اولقسنرین قطعاً اخلاق و انصافه منابدر . خصوصیه اوله بر زمانده که فردک اقتصادی قوتی بالضروره آزالمشدر . فقط هر شیدن اول تحمل اولونه مایه جق بر جهت واردرکه اوده ملتک ایکی قسه آریله رق بر قسمنک ضرورت چکمه سنه و هر درلو فداکارلره قاتلامسینه مقابل دیگر قسمنک ضرورتده فداکارلر ضررینه اوله رق آشیری آشیری منفعتلر آله ایلهمکده بولونمیسدر .

خلافت و سلطنت اسلامیه نك شمشعه اقبالی

ناطق هایون حضرت خلافتیناهی وسیله سیله صوفیه ده منتشر « تودو بولناری » غزته سی مطالعات آتیه ده بولونمشدر .

« سلطنت عثمانیه ؛ رجال دولتی طرفندن ابراز اولونان کیاست و حیثیتک ، عسکرینک کوسترمش اولدیفنی ثبات و بسالتک ثمراتی حربک ختامندن اول انتظاف ایدمکدر . دولت علیه شیمیدی به قدر آله ابتدکی نتایجله بحق افتخار ایده بیلیر . اول سلطنت عثمانیه نك عالم اسلام اوزرنده حائز اولدیفنی نفوذ و شرف یکی بر رونقده شمشه پاش اولش ؛ بوغازلرک مدافعه قهرمانانه و مظفرانه سی ایسه همانلی شهرت عسکریه سی یکیدن پارلاق بر صورتده تأیید و توثیق ایلهمشدر .

خلافتک محافظه و وقایه سی درعه ده ایدن و بوتون عالم اسلامک محبت و مظاهرتنه مظهر اولان سلطنت عثمانیه بین الملل حائز اولدیفنی وضعیت سیاسیه یی قطعی اجرا آت ایله اصلاح ایتکده منافع عیدده کورمش ایدی . همانلی ناظرلری درایت و طنپورانه لری سایه سنده تعقیب اولونه جق طریق وهله اولاده تقدیر ایتدیلر . بعدا دولت علیه ، عالم اسلامک مظاهرتی و دوستلرینک امن و اعتمادلیله محاط اوله رق بالجمله قوای معنویه و مادیه سی کمال امنیتله اصلاح ایلهمکدر .

انسانیتی بو کسه لده جک مسلمان مدنیتی در

اقدام رفیقیمزک صاحب امتیازی احمد جودت بکک لوزاندن

کوندروب « ۶۷۴۳ » نومرولی نسخه ده مندرج باش مقاله سنندن :

« صلاح الدین ایوبی نك قبرینی تکریم ایدن آلمانیا امپراطوری یک کوزل آکلادی که ائتلاف مریمک سیاسی واداری اخلاصزلیله قاره لیمقده اولان اوروپا مدنیتی ، بر مسلمان مدنیتی اضمحلالدن قورتاره بیلور و بو مدنیت بر انکشاف زمیننه ابرسه انسانیتک آتیه سی ایچون بویوک بر امید بخش ایدر . حکیمانه بر نظر اعتراف ایدرکه دائما انکشافدن منع ایدیش اولان اقوام اسلامیه نك مدنیتجه فیضنه یاردم ایتک بر وظیفه انسانیه و اخلاقیه در . »

برلین - استانبول یولی و اتحاد اسلام قوتی

پارسله منتشر (ژورنال) غزته سننده (سن بریس) امضاسیله نشر اولونان و ائتلاف مریمک بالقانلره قوای عسکریه کوندرومی لزومندن باحث بولونان بر مقاله ده برلین - استانبول یولنک کشادی ایله عالم اسلامده وقوعه کله جک انقلاب عظیم بروجیه زیر ایضاح ایدلمکده در : « عموم ائتلاف مریمک دولترینک زیر اداسنده یک جوق اهالی اسلامیه واردر . روسیه چاری قفقاسیا و تورکستانده میلیونلره مسلمان تبعیه مالک اولدیفنی کبی انکتره نك هندستانده کی حاکمیتی (۸۰) میلیون مسلمانک صداقتی سایه سنده بقا بواقده در . مصردن فاسه قدر امتداد ایدن ممالکده هب اسلامیت حکمراندر . آفریقانک اوچ ربی اهل اسلام ایله مسکوندر . شتون و وقایع عالم ، (هبالایا) مسئله جیلانده کی قریه لردن (آطلاس) طاغری آرمسنده کی کویله قدر انتشار ایتکده در . عالم اسلام ، اسلامیتک استقبالی تعیین ایده جک اولان جدال عمومی کال دقتله تعقیب ایدیور . اسلاملر ، ائتلاف زمهره سنک چناق قلمده دوجار اولدیلری مغلوبیتی اوکرمشدر . بو شرائط تحتنده بی حرکت طوروب ، بالقانلرده ابراز فعالیت ایتهمک نفوذ و حیثیتیزی عالم اسلام نظرنده